

Gold Mill kier acelera proceso di construcccion

ORANJESTAD(AAN)--

Aparentemente algun miembro lo a acerca señor Dijkhoff di Gold Mill ya cu nan kier a papia ariba e desaroyo di e proyecto, e inversionnan haci y e futuro. Dijkhoff mes lo a dicidi di yama un reunion pa asina discuti tur punto.

Segun Dijkhoff, iniciador di e proyecto Gold Mill, e reunion di accionistanan den Gold Mill no ta un reunion urgente, pero un reunion general di acuerdo cu estatutonan di e compania.

E mes a yama e reunion pa entre otro duna un relato financiero di e compania, discuti ofertanan pendiente pa participacion di tercer companianan den e proyecto, mientras cu tambe lo duna un resumen di negociacionnan cu ta tuma lugar cu Gobierno. Tambe e accionistanan lo mester eligi un directiva nobo

pa e proyecto.

Dijkhoff a splica cu recientemente Promer Ministro Eman a sostene un reunion cu Investment Bank pa asina trata di soluciona e situacion pa e proyecto por continua.

Ademas el a propone un reunion cu tur e Ministronan concerni y Investment Bank. Ta worde spera cu e siman aki e reunion lo tuma lugar.

Un di e condicionnan cu ainda mester worde cumpli

cure ta e construcccion di un caminda adecua pa busnan por yega e sitio. Di acuerdo cu e ultimo reunion sostene cu Ministro Frank Booi, Dijkhoff a comprende cu e aña aki lo no construi e caminda. Pero e ta

spera cu durante e reunion cu Gobierno lo por haya e apoyo necesario pa por acelera e proceso pa construcccion di e caminda y tambe lo por haya solucion pa puntonan pendiente: